



**JAVNA USTANOVA  
ZAVOD ZA ZDRAVSTVENU ZAŠTITU  
ŽENA I MATERINSTVA  
KANTONA SARAJEVO**

**ЈАВНА УСТАНОВА  
ЗАВОД ЗА ЗДРАВСТВЕНУ ЗАШТИТУ  
ЖЕНА И МАТЕРИНСТВА  
КАНТОНА САРАЈЕВО**

**UPRAVNI ODBOR**

Broj: 10-1792/2-07/20

Sarajevo, 05.08.2020. godine

Na osnovu člana 29. stav (1) Zakona o ustanovama („Službeni list Republike Bosne i Hercegovine“, br. 6/92, 8/93 i 13/94), člana 65. i 66. Zakona o zdravstvenoj zaštiti FBiH ("Službene novine FBiH", br. 46/10 i 75/13), člana 13. stav (2) tačka b. i člana 14. stav (3) Odluke o preuzimanju prava i obaveza osnivača i usklađivanju organizacije i poslovanja JU Zavoda za zdravstvenu zaštitu žena i materinstva Kantona Sarajevo („Službene novine Kantona Sarajevo“, broj: 07/12) člana 25. stav (1) tačka b) i člana 31. Statuta JU Zavod za zdravstvenu zaštitu žena i materinstva Kantona Sarajevo, te člana 2. i člana 18. Poslovnika o radu Upravnog odbora JU Zavod za zdravstvenu zaštitu žena i materinstva Kantona Sarajevo, Upravni odbor na X redovnoj sjednici održanoj dana 05.08.2020. godine, uz prethodnu saglasnost Ministarstva zdravstva Kantona Sarajevo broj: 10-04-25630/20 od 22.07.2020. godine, donio je sljedeću

**ODLUKU**

**I**

Za Direktora JU Zavod za zdravstvenu zaštitu žena i materinstva Kantona Sarajevo, imenuje se Mr.sci.med.dr. Enis Hasanović, specijalista ginekologije i akušerstva.

**II**

Direktor se imenuje na mandatni period od 4 (četiri) godine, počev od 05.08.2020. godine.

**III**

Odluka stupa na snagu danom donošenja.

**Obrazloženje**

U skladu sa članom 35. Statuta JU Zavod za zdravstvenu zaštitu žena i materinstva Kantona Sarajevo, Upravni odbor JU Zavod za zdravstvenu zaštitu žena i materinstva Kantona Sarajevo, na VII redovnoj sjednici održanoj dana 09.06.2020.godine, donio je Odluku o raspisivanju Javnog oglasa za izbor i imenovanje Direktora JU Zavod za zdravstvenu zaštitu žena i materinstva Kantona Sarajevo broj: 10-1225/2-07/20 i Odluku o imenovanju Komisije za izbor i imenovanje Direktora JU Zavod za zdravstvenu zaštitu žena i materinstva Kantona Sarajevo broj: 10-1255/3-07/20.

Javni oglas za izbor i imenovanje Direktora JU Zavod za zdravstvenu zaštitu žena i materinstva Kantona Sarajevo objavljen je u Dnevnom listu "Oslobođenje" dana 13.06.2020 .godine, te u "Službenim novinama FBiH", broj: 39/20 od 17.06.2020. godine. Krajnji rok za prijavu za dostavljanje prijava po javnom oglasu je dan 02.07.2020.godine.

Na IX redovnoj sjednici održanoj dana 15.07.2020.godine, članovi Upravnog odbora izvršili su uvid u sljedeću dokumentaciju: Zapisnik o radu Komisije za izbor i imenovanje Direktora Zavoda broj: 10-1501-02/20 od 07.07.2020. godine, Zapisnik o radu Komisije za izbor i imenovanje Direktora Zavoda broj: 10-1501/1-03/20 od 07.07.2020. godine, Program rada i razvoja u stručnom i ekonomsko-finansijskom smislu JU Zavod za zdravstvenu zaštitu žena i materinstva Kantona Sarajevo u izbornom periodu juni 2020. - juni 2024.godine Mr.sci.dr. Enisa Hasanovića.

Uvidom u Zapisnik o radu Komisije za izbor i imenovanje Direktora Zavoda broj: 10-1501-03/20 od 07.07.2020.godine, utvrđeno je da se na Javni oglas prijavio jedan kandidat Mr.sci.med.dr. Enis Hasanović. U zapisniku je navedeno da je pristigla koverta- prijava Mr.sci.med.dr. Enisa Hasanovića

propisno zatvorena, nakon čega se pristupilo otvaranju iste, radi provjere da li kandidat ispunjava opće i posebne uvjete utvrđene javnim oglasom, te da li je uz prijavu dostavljen Program rada i razvoja u stručnom i ekonomsko finansijskom smislu Zavoda za mandatni period. Nakon izvršenog uvida u dostavljenu dokumentaciju kandidata Mr.sci.med.dr. Enisa Hasanovića utvrđeno je da je kandidat dostavio potpunu dokumentaciju, kao i Program rada i razvoja u stručnom i ekonomsko finansijskom smislu Zavoda za mandatni period. Imajući u vidu navedeno Komisija je utvrdila da kandidat Mr.sci.med.dr. Enis Hasanović ispunjava opće i posebne uvjete propisane javnim oglasom, te je jednoglasno odlučeno da se dana 07.07.2020.godine, sa kandidatom Enisom Hasanovićem provede intervju.

Uvidom u Zapisnik Komisije za izbor i imenovanje Direktora Zavoda broj: 10-1501/1-03/20 od 07.07.2020. godine, utvrđeno je da je Komisija obavila intervju sa kandidatom Mr.sci.med.dr. Enisom Hasanovićem. U Zapisniku Komisije je navedeno da je Mr.sci.med.dr. Enis Hasanović obrazložio ponuđeni Program rada i razvoja u stručnom i ekonomsko-finansijskom smislu Zavoda, te je istakao da će nastojati u cjelosti ispuniti ponuđeni Program.


Komisija za izbor i imenovanje Direktora predložila je Upravnom odboru JU Zavod za zdravstvenu zaštitu žena i materinstva Kantona Sarajevo, da se Mr.sci.med.dr. Enis Hasanović imenuje za direktora JU Zavod za zdravstvenu zaštitu žena i materinstva Kantona Sarajevo, za mandatni period 2020. – 2024. godina, po dobijanju potrebne saglasnosti od strane Ministra zdravstva Kantona Sarajevo.

Uvidom u Program rada i razvoja JU Zavod za zdravstvenu zaštitu žena i materinstva Kantona Sarajevo u izbornom periodu 2020. – 2024.godine, Mr.sci.med.dr. Enisa Hasanovića, Upravni odbor mišljenja je da ponuđeni Program rada i razvoja JU Zavod za zdravstvenu zaštitu žena i materinstva Kantona Sarajevo u izbornom periodu od juna 2020. – juna 2024.godine, na vrlo jasan način određuje pravac razvoja JU Zavod za zdravstvenu zaštitu žena i materinstva Kantona Sarajevo. Brojne aktivnosti koje su predstavljene u Programu rada i razvoja imaju za cilj realizacije strateških opredjeljenja ove zdravstvene ustanove, a to se uglavnom odnosi na zdravstveni program, poboljšanje kvalitete i sigurnosti zdravstvenih usluga, edukaciju kadrova, te poboljšanje finansiranja zdravstvenog programa i rada Zavoda.

Na IX redovnoj sjednici UO održanoj dana 15.07.2020.godine, Upravni odbor je donio odluku kojom je usvojio prijedlog Komisije za izbor i imenovanje direktora, da se za direktora JU Zavod za zdravstvenu zaštitu žena i materinstva Kantona Sarajevo imenuje Mr.sci.dr. Enis Hasanović, s tim da će konačnu odluku o imenovanju direktora Upravni odbor donijeti nakon dobijanja saglasnosti Ministra zdravstva Kantona Sarajevo.

Dana 28.07.2020.godine, Ministarstvo zdravstva Kantona Sarajevo pod brojem 10-04-25630/20 od 22.07.2020.godine, dostavilo je Odluku o davanju saglasnosti na Odluku Upravnog odbora JU Zavod za zdravstvenu zaštitu žena i materinstva Kantona Sarajevo broj: 10-1512/3-07/20 od 15.07.2020.godine, kojom se daje saglasnost o imenovanju Mr.sci.med.dr. Enisa Hasanovića, specijaliste ginekologije i akušerstva, za direktora JU Zavod za zdravstvenu zaštitu žena i materinstva Kantona Sarajevo, na mandatni period od (4) četiri godine. .

Imajući u vidu sve naprijed navedeno, odlučeno je kao u dispozitivu.



**Dostaviti:**

- Mr.sci.dr. Enis Hasanović
- Ministarstvo zdravstva Kantona Sarajevo
- članovima U.O. i a/a